



RELATÓRIU TRIMESTRÁL FUNDU MINA-RAI NIAN
Trimestre ne'ebé termina iha 30 Setembru 2019
KOMUNIKADU IMPRENSA

Banco Central de Timor-Leste (BCTL) ohin lansa Relatóriu Trimestrál Fundu Mina-Rai Timór-Leste nian ba trimestre ne'ebé termina iha loron 30 fulan Setembru tinan 2019. Relatoriu ne'e hatudu katak kapitál Fundu nian iha trimestre ikus ne'e mak billiaun US\$17,55 kompara ho billiaun \$17,45 iha fim trimestre dahuluk.

Relatóriu ne'e mós hatudu katak totál reseitas mak simu iha trimestre ne'e hamutuk millaun \$166,70 ne'ebé kompostu husi kontribuisaun *kontribuinte* sira ba Fundu hamutuk millaun \$86,54 no pagamentu *royalty* simu husi Autoridade Nasionál Petróleu (ANP) millaun \$80,16.

Rendimentu husi investimentu Fundu nian ne'e hamutuk millaun \$139,62 kompostu husi kupaun no jurus ne'ebé simu mak millaun \$102,55, mudansa iha valór merkadu nian millaun \$42,26 no movimentu cambiais mak millaun -\$1,42 iha trimestre ne'e. Ne'e rezulta rendimentu ba karteira Fundu nian durante trimestre ne'e 0,81% enkuantu rendimentu sasukat (*benchmark*) nian ba periodu ne'e mak 0,84%.

Tuir ba Ministra nia desizaun hodi introdúz karteira equity factor iha Fundo Petroleu, Street Global Advisors (SSgA) global multi factor hetan ona nomeasaun, no mandatu global equity Schrodgers nian reklasifika ona hanesan jestor equity factor. Karteira factor sira efetivamente implementa ona iha loron 2 fulan Agostu 2019 liu husi fahe kompozisaun assoens global ba kareira kapitalizasaun merkadu no equity factor.

Lei Fundu Mina-Rai nian espesifika katak Jestor Operasional (Banco Central de Timor-Leste), mak hanesan ajente responsavel ba jestaun operasionál Fundu Mina-Rai nian. Ministériu Finansas mak responsabliza atu estabelese estratêjia investimentu tomak kona-ba Fundu ne'e nian.

Banco Central de Timor-Leste jere ona portofoliu besik liu ho pontu referensia iha trimestre dala lima nulu resin neen dahuluk. Diferensia entre portofoliu no pontu referensia hahú husi inísiu fundus nian mak pontu baze 5 (0,05%).

Pontu importante husi Relatóriu Trimestre ba dala LVII, ne'ebé kobre período 01 fulan Jullu tinan 2019 to'o loron 30 fulan Setembru tinan 2019, inklui:

- Kapitál Fundus nian mak billiaun \$17,55.
- Osan kontadu brutu fundus nian tama husi kontribuisaun kontribuinte, *realeza (royalties)* hamutuk mak millaun \$166,70.
- Osan kontadu líquidu ne'ebé sai husi Fundu durante trimestre ne'e hamutuk millaun \$203,24 kompostu husi millaun \$200 transfere ba Orsamentu Estadu no millaun \$3,24 kobre kustus jestaun nian.
- Reseitas líkidus durante trimestre ne'e hamutuk millaun -\$33,30.
- Rendimentu portofoliu iha periodu ne'e mak 0,81% kompara ho rendimentu referensia mak 0,84%.
- Fundus Mina-Rai hahu investe ona iha karteira Equity factor, no efetivamente implementa ona iha inisiu fulan Agostu 2019.

Relatóriu trimestrál, lei Fundu Mina-Rai nian no mós Akordu Jestaun Operasionál, disponivel iha portal Banku Central de Timor-Leste nian <https://www.bancocentral.tl>

Dili 08 Novembru 2019

Venancio Alves Maria
Vice Governador

BANCO CENTRAL DE TIMOR-LESTE

Avenida Bispo Medeiros
P.O.BOX 59 - DILI
TIMOR-LESTE

T: +670 331 371 2 / 4 / 5 / 8
F: +670 331 371 3 / 6 / 7
E: info@bancocentral.tl